




An Coimisiún
Eorpach

Tús nua don Chomhphlé Sóisialta



Eoraip shóisialta

Tús nua don Chomhphlé Sóisialta

An Coimisiún Eorpach

An Ard-Stiúrthóireacht um Fhostaíocht, Gnóthaí Sóisialta agus Cuimsiú

Aonad A2

Scribhinn lánchríchnaithe i mí Lúnasa 2016

Ní bheidh an Coimisiún Eorpach ná aon duine a ghníomhaíonn ar son an Choimisiúin freagrach as aon úsáid a d'fhéadfaí a bhaint as an eolas atá san fhoilseachán seo.

Bhí na naisc san fhoilseachán seo ceart an tráth ar cuireadh an lámhscríbhinn i gcrích.

© Grianghraf clúdaigh: An tAontas Eorpach

Le haghaidh aon úsáide nó atáirgthe grianghraf nach bhfuil faoi chóipcheart an Aontais Eorpaigh, ní mór cead a fháil ón sealbhóir cóipchirt (ó na sealbhóirí cóipchirt) féin.

***Seirbhís is ea Europe Direct a chabhróidh leat freagraí
a fháil ar do cheisteanna maidir leis an Aontas Eorpach.***

Uimhir shaorghlao (*):

00 800 6 7 8 9 10 11

(*) Bíonn an fhaisnéis a thugtar saor in aisce, agus formhór na nglanna (cé go bhféadfadh roinnt oibritheoirí, boscaí gutháin nó óstáin táille a ghearradh ort).

Tá breis eolais faoin Aontas Eorpach le fáil ar an idirlíon (<http://europa.eu>).

Lucsamburg: Oifig Foilseachán an Aontais Eorpaigh, 2016

ISBN 978-92-79-60875-9 - doi:10.2767/499670 (print)

ISBN 978-92-79-60840-7 - doi:10.2767/676219 (PDF)

© An tAontas Eorpach, 2016

Is ceadmhach aon chuid den fhoilseachán seo a atáirgeadh, ach an fhoinse a admháil.

Printed in Belgium

ARNA CHLÓBHUALADH AR PHÁIPÉAR BÁN SAOR Ó CHLÓIRÍN EILIMINTEACH (ECF)

Comhphlé sóisialta na hEorpa a thuiscint

Tagraíonn comhphlé sóisialta do na cainteanna, comhairliúcháin, caibidlíochtaí agus gníomhaíochtaí comhpháirteacha a bhíonn ar siúl go rialta idir comhpháirtithe sóisialta mar fhostóirí agus ceardchumainn. Cumhdaítear raon leathan saincheisteanna sóisialta agus a bhaineann le hobair i gcomhphlé sóisialta, agus bíonn údarais phoiblí i gceist uaireanta. Ar leibhéal AE, sheol Uachtarán Delors an Choimisiúin Eorpaigh é i 1985 ag Val Duchesse.

Is gné riachtanach de shamhail shóisialta na hEorpa é an comhphlé sóisialta a fhorbairt agus a chothú, toisc go bhfuil ról riachtanach aige ó thaobh iomaíochas agus cothroime a chur chun cinn agus rathúnas eacnamaíoch agus folláine sóisialta a fheabhsú. Déanann comhphlé sóisialta na hEorpa comhlánú ar an gcomhphlé sóisialta a tharlaíonn ar an leibhéal náisiúnta.

LEIBHÉIL CHOMHPHLÉ

TRASTIONSAIL

Cumhdaítear an geilleagar trí chéile

AR BHONN EARNÁLA

Cumhdaítear oibrithe agus fostóirí i mbreis is 40 earnáil shonrach den gheilleagar

NA CINEÁLACHA CHOMHPHLÉ

DÉPHÁIRTEACH

Comhphlé idir eagraíochtaí fostóirí agus eagraíochtaí oibrithe na hEorpa

TRÍTHAOBHACH

Idirghníomhú idir eagraíochtaí fostóirí, ceardchumainn agus institiúidí AE (An Coimisiún Eorpach, an Chomhairle Eorpach, Comhairle an Aontais Eorpaigh)

TIOMÁNAITHE AN CHOMHPHLÉ

UATHRIALACH

Gach cineál gníomhaíochta comhpháirtí a chloíonn le cláir oibre na gcomhpháirtithe sóisialta

BUNAITHE AR CHONRADH

Comhairliúchán agus caibidlíocht fhéideartha ar chomhaontuithe i réimsí beartais shóisialta (Airteagail 153 – 155 den Chonradh ar Fheidhmiú an Aontais Eorpaigh (CFAE))

Cé hiad comhpháirtithe sóisialta na hEorpa?

COMHPHÁIRTITHE SÓISIALTA TRASTIONSAIL

Baineann comhphlé sóisialta trastionscail leis na heagraíochtaí a dhéanann ionadaíocht d'oibrithe agus d'fhostóirí ó na hearnálacha príobháideacha agus poiblí araon, ó fhiontair bheaga agus mheánmhéide (FBManna), agus foirne gairmiúla agus bainistíochta.

Eagraíochtaí ginearálta trastionscail:

- Cónaidhm na nGnóthas Eorpach (BUSINESSEUROPE)
- Lárionad Eorpach na bhFostóirí agus na bhFiontar a sholáthraíonn Seirbhísí Poiblí (CEEP)
- Cónaidhm Eorpach na gCeardchumann (CEC)

Eagraíochtaí trastionscail a dhéanann ionadaíocht do chatagóirí áirithe oibrithe nó gnóthas:

- An Comhlachas Eorpach um Ghnóthais Cheardaíochta agus um Ghnóthais Bheaga agus Mheánmhéide (UEAPME)
- Eurocadres
- Cónaidhm Eorpach na bhFeidhmeannach agus na Foirne Bainistíochta (CEC)

Eagraíochtaí sonracha

- Eurochambres

COMHPHÁIRTITHE SÓISIALTA AR BHONN EARNÁLA

Bíonn thart ar 80 eagraíocht Eorpach ó earnálacha sonracha den gheilleagar páirteach i gcomhphlé sóisialta laistigh dá n-earnálacha faoi seach.

Ionadaíocht

D'fhonn aitheantas a fháil mar chomhpháirtí i gcomhphlé sóisialta na hEorpa, ní mór d'eagraíocht a bheith eagraithe ar leibhéal AE agus a bheith in ann a bheith páirteach i gcomhairliúcháin agus i gcomhaontuithe caibidlíochta araon. Ba chóir go mbeadh eagraíochtaí **ionadaíoch** do chúpla Ballstát AE, agus ní mór aitheantas a thabhairt dá gcomhaltaí náisiúnta mar chomhpháirtithe sóisialta ina dtíortha faoi seach.

Ní mór d'eagraíochtaí leasa ionadaíocha de réir bhrí Airteagail 154–155 CFAE:

- a bheith trastionscail nó baint a bheith acu le hearnálacha nó catagóirí sonracha agus a bheith eagraithe ar an leibhéal Eorpach;
- a bheith comhdhéanta d'eagraíochtaí ar cuid de struchtúir comhpháirtithe sóisialta na mBallstát iad féin, agus an cumas acu comhaontuithe a chaibidliú, agus a bheith ionadaíoch do chúpla Ballstát; agus
- struchtúir leormhaithe a bheith acu lena áirithiú go mbeidh siad rannpháirteach ar bhonn éifeachtach sa phróiseas comhairliúcháin ⁽¹⁾.

Ó 2006 i leith, rinne an Foras Eorpach chun Dálaí Maireachtála agus Oibre a Fheabhsú (Eurofound), an ghníomhaireacht Eorpach a bhfuil sé de chúram uirthi taighde a dhéanamh ar dhálaí maireachtála agus oibre, os cionn 40 staidéar ar ionadaíochas. Tugann Eurofound an fhianaise is gá don Choimisiún chun measúnú a dhéanamh ar ionadaíochas na gcomhpháirtithe sóisialta san Eoraip.

(1) Cinneadh COM 98/500/CE, 20 Bealtaine 1998.

Na cineálacha comhphlé

Cuireann an tAontas Eorpach comhphlé sóisialta chun cinn. A luaithe is a chinneann an fostóir ar leibhéal Eorpach agus eagraíochtaí na n-oibrithe tús a chur le próiseas oifigiúil comhphlé, soláthróidh an Coimisiún an creat chun é a chumasú. Áirítear leis an gcreat sin an Coiste Comhphlé Sóisialta trastionscail, chomh maith le 43 coiste comhphlé sóisialta ar bhonn eamála ina gcuimsítear eamálacha eacnamaíocha éagsúla amhail talmhaíocht, baincéireacht, tráchtáil, eitleocht shibhialta, tógáil, an tionscal ceimiceán, oideachas, ospidéal agus cúram sláinte, óstáin agus bialanna, iompar agus go leor eile (féach lch. 11 chun an liosta iomlán d'eamálacha atá cumhdaithe a fháil).

Comhphlé sóisialta dépháirteach ar leibhéal Eorpach a bhíonn ar bun idir an fostóir agus eagraíochtaí ceardchumann. Is féidir leis na saincheistanna a phléitear tionchar a bheith acu ar an tionscal trí chéile nó ar eamálacha sonracha den gheilleagar. Bíonn comhphlé dépháirteach ar siúl sna coistí thuasluaite, agus bíonn an Coimisiún Eorpach rannpháirteach mar éascaitheoir agus idirghabhálaí.

I **gcomhphlé sóisialta tríthaobhach**, buaileann ionadaithe as eagraíochtaí fostóirí agus eagraíochtaí oibrithe le chéile, in éineacht le hionadaithe institiúidí AE (an Coimisiún Eorpach, an Chomhairle Eorpach, Comhairle AE), ag an gCruinniú Mullaigh Sóisialta Tríthaobhach débhlantúil ar mhaithe leis an bhFás agus leis an bhFostaíocht. Bíonn cainteanna rialta ar bun acu freisin ar leibhéal teicniúil agus polaitiúil maidir le maicreacnamaíoch, fostaíocht, cosaint shóisialta agus oideachas agus oiliúint.

AN RAIBH A FHIOS AGAT?

Tá forbairt mhór déanta ag an gcomhphlé sóisialta, ní raibh ach 19 n-earnáil eacnamaíocha páirteach i 1999 go dtí 43 coiste in 2016. Tá sé chomhaontú réime ullmhaithe mar chuid de freisin a cuireadh i bhfeidhm trí threoracha (e.g. in iompar muirí, iarnród, eitleocht shibhialta, ospidéal agus cúram sláinte, agus uiscebhealaí intíre). Cinntear obair na gcoistí trí chlár oibre arna gcomhaontú ag na comhpháirtithe sóisialta.

Fóraim le haghaidh comhphlé sóisialta Eorpach

- **Cruinniú Mullaigh Sóisialta Tríthaobhach (TSS):** Toisc comhdhéanamh ardchéime an chruinnithe (leibhéal uachtaránach) agus chomh gar is atá sé do phróiseas cinnteoireachta na Comhairle Eorpaí, oibríonn TSS mar phríomhfóram polaitiúil chun dul i gcomhairle leis na comhpháirtithe sóisialta. Toisc go mbíonn an TSS ar siúl roimh chruinnithe Mhárta agus Dheireadh Fómhair na Comhairle Eorpaí, is deis thábhachtach atá ann chun plé a dhéanamh ar na beartais eacnamaíocha agus shóisialta a phléann na Ceannairí Stáit agus an Rialtas níos déanaí.
- **Comhphlé Maicreacnamaíoch (MED):** Is fóram ardleibhéil é MED (leibhéal aireachta) don Chomhairle, don Choimisiún, don Bhanc Ceannais Eorpach agus do na comhpháirtithe sóisialta chun tuairimí a mhalartú. Bunaíodh é trí bhithin na Comhairle Eorpaí in Köln i Meitheamh 1999, agus é mar chuspóir aige rannchuidiú le fás agus le cobhsaíocht chreat maicreacnamaíoch AE.
- **An Coiste Comhphlé Sóisialta (trastionscail) (SDC):** Is é an SDC an príomhfóram le haghaidh comhphlé sóisialta dépháirteach AE ar leibhéal trastionscail.
- **Coistí comhphlé sóisialta ar bhonn eamála (SSDCanna):** Cuireann na coistí seo fóram ar fáil chun tograí maidir le beartas fostaíochta agus sóisialta a phlé agus dul i gcomhairle maidir leo in eamálacha sonracha.
- Éascaíonn an **Fóram Idirchaidrimh** malartú faisnéise idir gach eagraíocht is comhpháirtí sóisialta AE agus an Coimisiún.
- Coistí comhairleacha
- Seimineáir agus comhthionscadail de chuid na gcomhpháirtithe sóisialta

AN RAIBH A FHIOS AGAT?

Faoi chonradh AE tá comhpháirtithe sóisialta in ann caidrimh fostaíochta a mhúnlú go díreach ar fud na hEorpa trí chomhaontuithe a chur i gcrích ar leibhéal AE.

Conas a oibríonn comhphlé sóisialta?


Is maith is eol do na comhpháirtithe sóisialta conas a fheidhmíonn ionaid oibre na hEorpa. Tuigeann siad na riachtanais atá ag oibrithe agus ag gnóthaí agus tugann siad cosaint dá gcuid leasanna. Nuair a bhíonn siad rannpháirteach ar leibhéal AE áirithítear go gcuirtear aon ábhar inné a bhíonn acu san áireamh i dtionscnaimh ar leibhéal AE. Mar gheall air sin, tá ról lárnach acu ó thaobh beartas sóisialta AE a fhorbairt agus caighdeán shóisialta na hEorpa a shainiú. Ní hamháin go mbíonn tionchar ag an gcomhphlé idir comhpháirtithe sóisialta ar an mbealach a n-eagraítear margaí saothair agus obair, ach cuidíonn sé chomh maith chun borradh a chur faoi fhás, cruthaítear poist leis agus áirithítear cothroime san ionad oibre. Is é ról an Choimisiúin Eorpaigh dá bhrí sin tacú leis an gcomhphlé sóisialta agus é a chur chun cinn.

Tá ról bunúsach na gcomhpháirtithe sóisialta ó thaobh reachtaíocht a bhaineann le beartas sóisialta a mhúnlú sainithe in Airteagal 152, Airteagal 154 agus Airteagal 155 den Chonradh ar Fheidhmiú an Aontais Eorpaigh (CFAE).

Mar a thaispeántar sa ghráf thíos, sula gcuireann an Coimisiún togra a bhaineann le beartas sóisialta isteach tosaíonn sé trí dhul i gcomhairle leis na comhpháirtithe sóisialta, maidir le treo féideartha an ghnímh AE ar an gcéad dul síos agus, má mheasann an Coimisiún go bhfuil gníomh ar leibhéal AE inmholta, maidir le hábhar an togra shamhlaithe. Féadfaidh na comhpháirtithe sóisialta iad féin a theorannú trí thuairim nó moladh a thabhairt don Choimisiún maidir leis an ábhar atá i gceist nó, de réir Airteagal 155 den CFAE, féadfaidh siad caibidlíochtaí a chur ar bun maidir leis an ábhar iad féin.

Le hAirteagal 155 deonaítear an ceart freisin do na comhpháirtithe sóisialta caibidliú a dhéanamh ar a dtionscnamh féin. Is féidir leis na comhpháirtithe sóisialta ansin na comhaontuithe sin a chur i bhfeidhm ar fud AE iad féin, nó is féidir iad a chur i bhfeidhm trí bhíthin reachtaíocht AE.

Nós Imeachta comhairliúcháin agus caibidlíochta faoi Airteagal 154 agus 155



Torthaí a tháirgeadh

Go nuige seo, tá ceithre chomhaontú cruthaithe leis an nós imeachta caibidlíochta mar chuid den chomhphlé sóisialta (Airteagail 154–155 CFAE) trastionscail agus iad curtha chun feidhme trí threoracha:

- sa chomhaontú réime ó mhí na Nollag 1995 maidir le **saoire thuismitheoireachta**, tugtar ceart aonair, neamh-inaistrithe do gach fostaí ar 3 mhí de shaoire thuismitheoireachta ar a laghad go dtí go sroicheann a leanbh aois faoi leith (le sainiú ar an leibhéal náisiúnta) suas go dtí 8 mbliana. Tugann an comhaontú teidlíocht d'fhostaithe freisin ar am saor le haghaidh cúrsaí teaghlaigh a bhfuil práinn leo. (Treoir 96/34/CE)
- rinne na comhpháirtithe sóisialta **athbhreithniú ar an gcomhaontú maidir le saoire thuismitheoireachta** i Meitheamh 2009. I measc na n-athruithe bhí méadú ar an íosteidlíocht de shaoire thuismitheoireachta ó 3 go 4 mhí in aghaidh gach fostaí, agus mí amháin ar a laghad neamh-inaistrithe idir thuismitheoirí. (Treoir 2010/18/AE)
- i gcomhaontú réime mhí an Mheithimh 1997 maidir le **hobair pháirtaimseartha** bunaíodh an prionsabal nach féidir caitheamh ar bhealach is lú fabhrach le hoibrithe páirtaimseartha ná mar a chaitear le hoibrithe lánaimseartha inchomparáide díreach mar gheall go n-oibríonn siad ar bhonn páirtaimseartha. (Treoir 97/81/CE)
- i gcomhaontú réime Mhárta 1999 maidir le **hobair téarma sheasta** leagadh síos an prionsabal nach féidir caitheamh le hoibrithe téarma seasta ar bhealach is lú fabhrach ná mar a chaitear le hoibrithe inchomparáide ar chonarthaí neamhiata díreach mar gheall go bhfuil Conradh ar théarma seasta acu. (Treoir 1999/70/CE).

Cuireadh roinnt **comhaontuithe eamála** i bhfeidhm freisin trí bhithin treoracha. Áirítear orthu sin comhaontuithe chun teorainneacha a leagan síos ar am oibre in eamálacha iompair éagsúla (maraithe, eitlíocht shibhialta, iarnród, uiscebhealaí intíre), chun an Coinbhinsiún Oibreachais Mhuirí a chur i bhfeidhm agus chun díobhálacha géara a chosc sna heamálacha ospidéal agus cúraim sláinte.

D'fhéadfadh **comhaontuithe féinrialacha** a bheith mar thoradh ar chomhphlé sóisialta AE chomh maith. Sna cásanna sin, leagann na comhpháirtithe sóisialta creat ginearálta síos ar leibhéal AE a chuireann dualgas ar a gcuid eagraíochtaí náisiúnta cleamhnaithe an comhaontú a chur i bhfeidhm de réir na nósanna imeachta agus na gcleachtas náisiúnta a bhaineann go sonrach le bainistíocht, saothar agus na Ballstáit. Faoi láthair, tá ceithre chomhaontú fhéinrialacha a cuireadh i gcrích ar leibhéal trastionscail:

- **teile-obair** (2002)
- **brú ag an obair** (2004)
- **ciapadh agus foréigean ag an obair** (2007)
- **margaí saothair cuimsitheacha** (2010)

Margaí saothair cuimsitheacha: In 2010, ghlac comhpháirtithe sóisialta trastionscail ar leibhéal AE le comhaontú réime comhpháirteach féinrialach inar tugadh cuntas ar cad is féidir a dhéanamh chun cuimsiú sa mhargadh saothair a fheabhsú. Cuirtear i láthair sa chomhaontú na príomhdhúshláin agus forbraítear raon gníomhaíochtaí is féidir leis na comhpháirtithe sóisialta a ghlacadh chun cabhrú le daoine i gcásanna faoi mhíbhuntáiste dul isteach sa mhargadh saothair, fanacht ann agus ardú céime a bhaint amach. Tá sé mar aidhm leis freisin feasacht a mhéadú i measc fostóirí agus oibrithe maidir leis na buntáistí a bhaineann le margaí saothair cuimsitheacha.

Foréigean agus ciapadh a chosc ag an obair: Léirítear i dtaighde go mbíonn duine as gach 20 oibrí i gcontúirt bulaíochta agus/nó ciaptha gach bliain. Mar fhreagairt ar an toradh sin, tháinig fostóirí agus ceardchumainn ar chomhaontú in 2007 maidir le cur chuige neamhfhulaingthe i leith ciapadh gnéasach agus foréigean fisiceach san ionad oibre. Bhunaigh an comhaontú nósanna imeachta do chuideachtaí na hEorpa chun cásanna féideartha a láimhseáil.

Cuireadh comhaontuithe féinrialacha i gcrích freisin ar leibhéal earnála (amhail **comhaontú** 2004 maidir leis an gceadúnas Eorpach le haghaidh tiománaithe traenach a chuireann seirbhísí trasteorann, idir-inoibritheachta i gcrích) agus ar leibhéal ilearnála (amhail **comhaontú** 2006 maidir le Cosaint Sláinte Oibrithe trí bhithin Láimhseáil Mhaith agus Úsáid Silice Chríostalta agus Táirgí ina bhfuil sé).

Mar sin féin, téann torthaí an chomhphlé shóisialta i bhfad níos faide ná reachtaíocht agus comhaontuithe féinrialacha. Baineann cuid mhór d'obair chomhpháirtithe sóisialta na hEorpa le forbairtí beartais ábhartha AE a leanúint suas agus a áirithiú go dtugtar deis labhartha dóibh go léir ar mhaithe leis na cuideachtaí agus na hoibrithe dá ndéanann siad ionadaíocht. Mar thoradh ar chomhphlé sóisialta na hEorpa freisin foilsítear téacsanna agus uirlisí comhpháirteacha éagsúla a thugann treoir pholaitiúil agus comhairle phraiticiúil chun tacú le gníomhaíochtaí a gcuid comhaltaí.

Creat gníomhaíochtaí maidir le fostaíocht le haghaidh daoine

óga: I mí an Mheithimh 2013, shínigh na comhpháirtithe sóisialta trastiionscail in AE creat gníomhaíochta maidir le fostaíocht le haghaidh daoine óga. Sa chreat sin tá siad meáite ar réitigh a chur chun cinn chun dífhostaíocht i measc an ógra a laghdú agus d'iarr siad ar chomhpháirtithe sóisialta náisiúnta, ar údarais phoiblí agus ar pháirtithe leasmhara eile oibriú go gníomhach i dtreo na sprice sin.

Tús nua don chomhphlé sóisialta

Tá comhphlé sóisialta ríthábhachtach chun iomaíochas agus cothroime a chur chun cinn san Eoraip. Is minic le tíortha ina bhfuil traidisiún fada comhphlé shóisialta geilleagair níos láidre, níos cobhsaí a bheith acu agus iad ar na cinn is iomaíche san Eoraip go minic.

Nuair is eol an ról tábhachtach atá ag comhphlé sóisialta agus an buntáiste deimhneach is féidir leis a bheith aige ar gheilleagar tíre, is é dúshlán an lae inniu an ról atá aige a fheabhsú thar gach Ballstát AE.

Ag dréim leis an dúshlán sin, d'fhógair Uachtarán an Choimisiúin Eorpaigh Jean-Claude Juncker “tús nua don chomhphlé sóisialta”. Seoladh an tionscnamh ag comhdháil ardleibhéil i mí an Mhárta 2015, áit ar tháinig na comhpháirtithe sóisialta agus an Coimisiún ar chomhaontú maidir leis na rudaí seo a leanas atá ag teastáil:

- bainteacht níos dlúithe do na comhpháirtithe sóisialta sa Seimeastar Eorpach,
- béim níos mó ar fhorbairt acmhainne na gcomhpháirtithe sóisialta náisiúnta,
- rannpháirtíocht mhéadaithe na gcomhpháirtithe sóisialta i mbeartas agus reachtóireacht AE,
- caidreamh níos follasaí idir comhaontuithe na gcomhpháirtithe sóisialta agus an Clár Oibre um Rialáil Níos Fearr.

Cuireadh tús leis na céimeanna a bhí dírithe ar na réimsí sin a chur i bhfeidhm go gairid i ndiaidh na comhdhála agus gníomhaíochtaí sonracha eile a bhí de dhíth i gcrích go foirmiúil le comhráiteas a shínigh na daoine seo a leanas an 27 Meitheamh 2016: Leas-Uachtarán an Choimisiúin Eorpaigh don Euro agus don Chomhphlé Sóisialta Valdis Dombrovskis; An Coimisinéir um Fhostaíocht, Gnóthaí Sóisialta, Scileanna agus Soghluaisteacht an Lucht Saothair Marianne Thyssen; comhpháirtithe sóisialta trastiionscail na hEorpa (ETUC, BUSINESSEUROPE, UEAPME, CEEP) agus Uachtaránacht na hÍsiltíre ar Chomhairle an Aontais Eorpaigh.

Leagtar béim sa chomhráiteas ar ról bunúsach an chomhphlé shóisialta san Eoraip mar chuid shuntasach de bheartas fostaíochta agus sóisialta a cheapadh in AE. Sainnithnítear ann freisin na gníomhaíochtaí a bheidh le cur i gcrích ag an dream a shínigh é, leis an gcuspóir comhphlé sóisialta a neartú tuilleadh ar leibhéal AE agus go náisiúnta. Ina theannta sin, tagraítear sa ráiteas do na conclúidí maidir le “tús nua don chomhphlé sóisialta láidir” a ghlac Airí fostaíochta agus gnóthaí sóisialta AE roimhe sin i Meitheamh 2016.

Comhpháirtithe sóisialta i mbun comhphlé sóisialta trasteionscail

Cónaidhm Eorpach na gCeardchumann (CEC)	http://www.etuc.org
Cónaidhm na nGóthas Eorpach (BUSINESSEUROPE)	http://www.businesseurope.eu
Lárionad Eorpach na bhFostóirí agus na bhFiontar a sholáthraíonn Seirbhísí Poiblí (CEEP)	http://www.ceep.eu
An Comhlachas Eorpach um Ghnóthais Cheardaíochta agus um Ghnóthais Bheaga agus Mheánmhéide (UEAPME)	http://www.ueapme.com
Eurocadres (Cónaidhm Eorpach na bhFoirne Gairmiúla agus Bainistíochta) - mar chuid de thoscaireacht ETUC	http://www.eurocadres.org
Cónaidhm Eorpach na bhFeidhmeannach agus na Foirne Bainistíochta (CEC) - mar chuid de thoscaireacht ETUC	http://www.cec-managers.org

Coistí comhphlé sóisialta ar bhonn earnála (SSDCanna):

Earnálacha acmhainní nádúrtha	Talmhaíocht	An tionscal eastóscach	lascaigh mhara
Earnálacha déantúsaíochta	An tionscal ceimiceán	Tógáil	Leictreachas
	An tionscal bia agus deochanna	Coisbheart	Troscán
	Gás	An tionscal miotail	An tionscal páipéir
	Déanamh Long	Cruach	Siúcra
	Súdaireacht agus leathar	Teicstíl agus éadaí	Adhmadóireacht
Earnálacha seirbhísí	Closamhairc	Baincéireacht	Lónadóireacht
	Riaracháin an rialtais láir	Eitlíocht shibhialta	Tráchtáil
	Oideachas	An tionscal grafach	Horeca (seirbhísí bia)
	Ospidéil	Glanadh tionsclaíoch	Uiscebhealaí intíre
	Árachas	Léiriú beo	Rialtas áitiúil agus réigiúnach
	Iompar muirí	Seirbhísí pearsanta	Calafoirt
	Seirbhísí poist	Slándáil phearsanta	Peil ghairmiúil
	Iarnróid	Iompar tuaithe	Teileachumarsáid
	Obair gníomhaireachta shealadach		

CONAS TEACHT AR FHOILSEACHÁIN DE CHUID AN AE

Foilseacháin saor in aisce:

- cóip amháin:
ar láithreán gréasáin EU Bookshop (<http://bookshop.europa.eu>);
- níos mó ná cóip amháin nó póstaeir/léarscáileanna:
ó ionadaíochtaí an Aontais Eorpaigh (http://ec.europa.eu/represent_ga.htm),
ó na toscaireachtaí i dtíortha neamh-AE (http://eeas.europa.eu/delegations/index_ga.htm),
trí theagmháil a dhéanamh leis an tseirbhís Europe Direct (http://europa.eu/europedirect/index_ga.htm)
nó trí ghlaoch a chur ar 0080067891011 (uimhir shaorghlao as áit ar bith san AE) (*).

(*) Bíonn an fhaisnéis a thugtar saor in aisce, agus formhór na nglanna (cé go bhféadfadh roinnt oibrítheoirí, boscaí gutháin nó óstáin táille a ghearradh ort).

Foilseacháin a bhfuil praghas orthu:

- ar láithreán gréasáin EU Bookshop (<http://bookshop.europa.eu>).

Ag cur san áireamh an ról tábhachtach atá ag an gcomhphlé sóisialta maidir le samhail shóisialta na hEorpa trí iomaíochas, cothroime, rachmas eacnamaíoch agus folláine shóisialta a chur chun cinn, tá an Coimisiún Eorpach ag obair chun an comhphlé sóisialta a chur chun cinn ar fud AE. Ag croí-lár na hiarrachta seo tá an "tús nua don chomhphlé sóisialta", comhráiteas lena bhfuil sé mar aidhm an comhphlé sóisialta a neartú tuilleadh ar an leibhéal AE agus ar an leibhéal náisiúnta.

Tuilleadh eolais ar chomhphlé sóisialta
<http://ec.europa.eu/social/socialdialogue>



#EUsocdia

Is féidir ár gcuid foilseachán a íoslódáil nó liostáil dóibh saor in aisce ag
<http://ec.europa.eu/social/publications>

Is féidir an nuacht is déanaí faoin Ard-Stiúrthóireacht um Fhostaíocht, Gnóthaí Sóisialta agus Uilechuimsitheacht a fháil go rialta ach liostáil don r-nuachtlitir 'Social Europe' saor in aisce ag
<http://ec.europa.eu/social/e-newsletter>



<https://www.facebook.com/socialeurope>



https://twitter.com/EU_Social

